



UNIVERSITI
TEKNOLOGI
MARA



UiTM NEWS HUB
Hab Berita Rasmi UiTM



[Home](#) / [2025](#) / [April](#) / Kunjungan Hormat Delegasi UiTM Cawangan Pahang ke Pejabat Pendidikan Daerah Jerantut

GRU2025

24/04/2025 / MOHD RISHAM JAAFAR



Jerantut, 16 April 2025 — Dalam usaha memperkukuhkan kerjasama akademik dan membina sinergi strategik, delegasi dari Universiti Teknologi MARA (UiTM) Cawangan Pahang telah mengadakan kunjungan hormat ke Pejabat Pendidikan Daerah (PPD) Jerantut. Lawatan ini bertujuan untuk membincangkan peluang kolaborasi dalam pendidikan dan inisiatif pembangunan komuniti, di samping mempererat hubungan ukhuwah antara kedua-dua pihak.

Kunjungan disambut dengan penuh penghormatan oleh YBrs. Puan Zairish binti Zakaria, Pegawai Pendidikan Daerah Jerantut, bersama timbalan-timbalan beliau. Pertemuan ini menyaksikan perbincangan mengenai pelbagai topik penting, antaranya pemerkasaan STEM-A, penyediaan peluang pendidikan diploma dan pra-diploma bagi pelajar lepasan SPM, serta inisiatif kemanusiaan melalui program Tanggungjawab Sosial Universiti (USR). Pendekatan Adiwangsa UiTM, yang ditujukan khusus untuk memperkasakan sekolah-sekolah di daerah Jerantut, turut menjadi agenda utama

UiTM Cawangan Pahang berharap agar hubungan erat yang terjalin ini akan terus mekar, membuka lebih banyak peluang untuk kolaborasi strategik demi memacu kecemerlangan generasi muda dan melahirkan anak bangsa yang berdaya saing di masa hadapan.



Penulis : Mohd Risham Jaafar, Dr Neni Kartini Che Mohd Ramli dan Dr. Nurul Diyana Sanuddin



Tags: [Pejabat Pendidikan Daerah \(PPD\) Jerantut](#), [UiTM Cawangan Pahang Kampus Dengkilu](#), [Universiti Teknologi MARA \(UiTM\)](#)



Taklimat Kemasukan Ijazah Kejuruteraan Awam
UiTM Pahang Sasar Pelajar Kolej Vokasional Kuala
Lipis

KPPIM Student Clubs Welcome Fresh Faces Through
Engaging Booth Showcase



QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA (UiTM)
40450 Shah Alam, Selangor Darul
Ehsan
Malaysia

Tel: +603-5544 2051 / 2000

